

АЗБУКА ПРАВОСЛАВИЯ

Иконы и молитвы

в различных житейских
нуждах



испедающие иконы и молитвы

Специальный выпуск газеты

ПАДОМ 90

Живый в помощи Вышняго, в крове Бога Небесного водворится. Речет Господеви: Заступник мой еси и Прибежище мое, Бог мой, и уповаю на Него. Яко Той избавит тя от сети ловчи, и от словесе мятежна, плещма Своима осенит тя, и под криле Его надеешися: оружием обыдет тя истина Его. Не убоишися от страха ночного, от стрелы летящая во дни, от вещи во тьме преходящая, от сряща, и беса полуденного. Падет от страны твоя тысяща, и тма одесную тебе, к тебе же не приблизится, обаче очима твоима смотриши, и воздаяние грешников узриши. Яко Ты, Господи, упование мое, Вышняго положил еси прибежище твое. Не приидет к тебе зло, и рана не приблизится телеси твоему, яко Ангелом Своим заповесть о тебе, сохранити тя во всех путех твоих. На руках возмут тя, да не когда преткнеши о камень ногу твою, на аспида и василиска наступиши, и попереши льва и змия. Яко на Мя упова, и избавлю и: покрою и, яко позна имя Мое. Воззовет ко Мне, и услышу его: с ним есмь в скорби, изму его, и прославлю его, долгоготу дней исполню его, и явлю ему спасение Мое.



Фото: Н.МОШКОВА, Д.МАРКОВА, Д.ДАШКОВА.

АЗБУКА ПРАВОСЛАВИЯ

Иконы и молитвы в различных житейских нуждах

Специальный выпуск газеты
«Исцеляющие иконы и молитвы»
май, 2009 г.

Главный редактор М.В. КАЛИНИНА
Ответственный за выпуск
Т.Е. УПИРВИЦКАЯ
Телефон (831) 432-98-16

Учредитель ООО «Слог»
Издатель ЗАО «Издательство
«Газетный мир»

Адрес издателя и редакции:
603126, Н.Новгород, ул. Родионова,
дом 192, корп.1, www.gmi.ru
Рекламное агентство
Телефоны (831) 434-88-20
факс (831) 434-88-22
e-mail: reclama@gmi.ru
За достоверность рекламной информации
ответственность несет рекламодатель.

Служба продаж
Телефоны: (831) 275-98-68,
275-97-53, 275-97-54
e-mail: sales@gmi.ru
Служба экспедирования и перевозок
Телефон (831) 434-90-44
e-mail: dostavka@gmi.ru

Газета зарегистрирована Федеральной
службой по надзору за соблюдением
законодательства в сфере массовых
коммуникаций и охране культурного
наследия. Свидетельство о регистрации
средства массовой информации
ПИ № 77-18696 от 29 октября 2004 г.
Подписано в печать 27 апреля 2009 г.
в 16 часов (по графику - в 16 часов)
Дата выхода в свет 14 мая 2009 г.
Тираж 27 492 экз. Заказ № 1066.
Цена договорная.
Отпечатано в ОАО «Дзержинская
типография», 606025, г. Дзержинск,
пр. Циолковского, 15

12 ЧТО ТАКОЕ МОЛИТВА


Питание и отдых необходимы человеку для поддержания его физической жизни. Знание, искусство и вообще культура обогащают душевные качества человека. Молитва же раскрывает в человеке духовную, высшую сторону его существа.

Бог любит Свое творение, любит каждого из нас, Он есть наш Небесный Отец. Как детям свойственно желание видеть своих родителей и беседовать с ними, так и нам должно быть свойственно с радостью беседовать с Богом и духовно общаться с Ним. Благоговейная беседа человека с Богом называется молитвой. Душа, соединяясь в молитве с Богом, одновременно соединяется и с духовным миром ангелов и праведников. По словам святого Иоанна Кронштадтского, молитва есть златая связь человека - христианина, странника и пришельца на земле, с миром духовным, коего он член, и паче всего с Богом - источником жизни.

Молитва часто сопровождается благоговейными словами и другими внешними знаками благоговения: крестным знамением, коленопреклонением, поклонами и другими знаками богопочитания. Но молитва может быть возносима и без слов, и без других внешних проявлений. Это - внутренняя или углубленная молитва, которая знакома по опыту многим усердным христианам.

КАК НУЖНО МОЛИТЬСЯ

Приступая к молитве, человек должен отрешиться от обычных забот и деяний, собрать свои рассеянные думы, как бы затворить дверь для всего земного, житейского и устремить все свое внимание к Богу.



Ставя себя перед лицом Господа, живо представляя себе Его величие, молящимся необходимо проникаться глубоким сознанием своего недостойнства и убожества. **Молясь, нужно все творение представлять как ничто пред Богом, и единого Бога - всем** (св. Иоанн Кронштадтский). Назидательный образец настроения молящегося Спаситель представил в лице мытаря, оправданного Богом за свое смирение.

Смирение христианина не порождает уныния, безнадежности. Напротив, оно соединяется с твердою верою в благодать и всемогущество Отца Небесного. Только молитва веры и может быть услышана Богом: **Все, чего ни будете просить в молитве, верьте, что получите.** Согретая верою, молитва христианина прилежна. Он помнит завет Иисуса Христа, что должно всегда молиться и не унывать, помнит Его обещание: **...просите, и дастся вам, ищите, и найдете, стучите, и отворят вам.**

Евангельские образы хананеянки, испросившей у Христа исцеление своей дочери; беззащитной вдовы, добившейся справедливости у неправедного судьи, и подобные им случаи свидетельствуют о великой силе молитвы. Пусть молитва не услышана сразу. Молящийся не должен смущаться и падать духом: это - испытание, а не отказ. Для того и сказал Христос «**стучите**»; чтобы показать, что если Он и не скоро отверзает двери Своего милосердия, все же должно с светлою надеждою ждать (**Златоуст**). Истинный христианин станет продолжать свою молитву с непрерывным усердием и силою до тех пор, пока не низведет на себя милость Господа, подобно ветхозаветному патриарху Иакову, который говорил боровшемуся с ним Незнакомцу: Не отпущу Тебя, пока не благословишь меня, и действительно получил благословение Божие.

Если Господь - наш Небесный Отец, то мы все друг другу братья. Он только тогда примет нашу молитву, когда мы находимся в истинно братских, доброжелательных отношениях с людьми, когда мы погасили всякую злобу, вражду, обиды, покрыли прощением, примирились со всеми: **Когда стоите на молитве, прощайте, если что имате на кого, дабы и Отец ваш Небесный простил вам согрешения ваша.**

ПЛОДЫ МОЛИТВЫ

Молитва, подобно земледельцу, воздвигает ниву нашего сердца и делает ее способною к принятию небесных влияний и к произведению

обильных плодов добродетелей и совершенства. Она призывает благодать Святого Духа в сердца наши и этим укрепляет нашу веру, надежду и любовь, дает просвещение нашему уму, укрепляет волю делать добро, утешает сердце во время скорби и страданий и может дать нам все то, что служит нашему истинному благу.

Молитва, будучи, по учению святых отцов, «дыханием души», есть **великое благо для человека**. Способность молиться сосредоточенно и всем сердцем, называемая молитвенным даром, и есть один из самых драгоценных духовных даров. Этот дар посылается христианину милостью Божией тогда, когда верующий заботится о его приобретении.

*По материалам изданий
СВЯТО-ТРОИЦКОЙ-СЕРГИЕВОЙ ЛАВРЫ.*

МОЛИТВА ПЕРЕД НАЧАЛОМ ВСЯКОГО ДЕЛА

Господи Иисусе Христе, Сыне Единородный Безначального Отца! Ты рекл еси пречистыми Твоими усты: яко без Мене не можете творити ничесоже. Господи мой, Господи, верою объем в души моей и сердце Тобою реченная, припадаю Твоей благости: помози ми, грешному, сие дело, мною начинаемо, о Тебе Самем совершити, во имя Отца и Сына и Святого Духа. Аминь.

МОЛИТВА ПО ОКОНЧАНИИ ДЕЛА

Исполнение всех благих Ты еси, Христе мой, исполни радости и веселия душу мою и спаси мя, яко един многомилостив, Господи, слава Тебе!

Достойно есть яко воистину блажити Тя Богородицу, присноблаженную и Пренепорочную и Матерь Бога нашего. Честнейшую Херувим и славнейшую без сравнения Серафим, без истления Бога Слова рождшую, сущую Богородицу Тя величаем.

Слава Отцу и Сыну и Святому Духу и ныне и присно и во веки веков. Аминь.

Господи, помилуй. (Трижды)

Господи, Иисусе Христе, Сыне Божий, молитв ради Пречистыя Твоея Матере, преподобных и богоносных отец наших и всех святых помилуй нас. Аминь.

МОЛИТВЫ, ЧИТАЕМЫЕ В УНЫНИИ

СВЯТИТЕЛЮ ТИХОНУ, ЕПИСКОПУ ВОРОНЕЖСКОМУ, ЗАДОНСКОМУ ЧУДОТВОРЦУ

О, всехвальный святителю и угодниче Христов, отче наш Тихоне! Ангельски на земли пожив, ты яко ангел благий явился еси и в дивнем твоём прославлении. Веруем от вся души и помышления, яко ты, благосердный наш помощниче и молитвенниче, твоими неложными ходатайствами и благодатию, от Господа обильно тебе дарованною, присно способствуеши нашему спасению. Приими убо, ублажаемый угодниче Христов, и в час сей наша недостойная моления: свободи ны твоим заступлением от облагающего нас суесловия и суемудрия, неправверия и зловерия человеческого. Потщися, скорый о нас предстателю, благоприятным твоим ходатайством умоли Господа, да пробавит Своя великия и богатыя милости на нас, грешных и недостойных рабах Своих, да уврачует Своею благодатию неисцельныя язвы и струпы растленных душ и телес наших, да растворит окаменелая сердца наша слезами умиления и сокрушения о премногих согрешениях наших, и да избавит ны от вечных мук и огня геенскаго: всем же верным людем Своим да дарует в нынешнем веце мир и тишину, здравие и спасение и во всем благое поспешение, да тако, тихое и безмолвное житие поживше во всяком благочестии и чистоте, сподобимся со ангелы и со всеми святыми славить и воспевати Всесвятое имя Отца и Сына и Святаго Духа во веки веков. Аминь.

ПРЕПОДОБНОМУ ЕФРЕМУ СИРИНУ

О угодниче Христов, отче наш Ефреме! Принеси молитву нашу к милостивому и всесильному Богу и испроси нам, рабам Божиим (имена), у благости Его вся яже на пользу душам и телесем нашим: веру праву, надежду несумненну, любовь нелицемерну, кротость и незлобие, во искушениях мужество, в злостраданиях терпение, во благочестии преспеяние. Да не во зло обратим дары Всеблагого

Бога. Не забуди, чудотворче святой, и святой храм (дом) сей и приход наш: сохрани и соблюди их молитвами твоими от всякого зла. Ей, святче Божий, сподоби нас кончину благую улучшить и Царствие Небесное унаследить, да прославим дивнаго во святых Своих Бога, Ему же подобает всякая слава, честь и держава, во веки веков. Аминь.

ПРАВЕДНОМУ ЦАРЮ ДАВИДУ, ПСАЛМОПЕВЦУ

О, прехвальный и пречудный пророче Божий Давиде! Услыши нас, грешных и непотребных, в час сей предстоящих пред святою твоею иконою и усердно прибегающих к ходатайству твоему. Моли о нас Человеколюбца Бога, да подаст нам дух покаяния и сокрушения о гресех наших и всесильною Своею благодатию да поможет нам оставить пути нечестия, припевати же во всяком деле блазе, да укрепит нас в борьбе со страстями и похотями нашими; да всадит в сердце наше дух смирения и кротости, дух братолюбия и незлобия, дух терпения и целомудрия, дух ревности к славе Божией и спасению ближних. Упраздни молитвами твоими, пророче, злые обычаи мира, паче же погибельный и тлетворный дух века сего, заражающий христианский род неуважением к Божественней Православней вере, к уставам святыя Церкви и к заповедям Господним, непочтением к родителем и властям предержащим, и низвергающий людей в бездну нечестия, развращения и гибели. Отврати от нас, пречудне пророче, предстательством твоим праведный гнев Божий, и избави вся грады и веси царства нашего от бездождия и глада, от страшных бурь и землетрясений, от смертоносных язв и болезней, от нашествия врагов и междоусобных брани. Укрепи твоими молитвами православных людей, благопоспешествуй им во всех благих деяниях и начинаниях к водворению мира и правды в державе их. Пособствуй Всероссийскому Христоролюбивому воинству во бранех со врагами нашими. Испроси, пророче Божий, от Господа пастырем нашим святую ревность по Бозе, сердеч-



Св.прп. Ефрем Сирин

ное попечение о спасении пасомых, мудрость в учении и управлении, благочестие и крепость во искушениях, судиям испроси нелицеприятие и безкорыстие, правоту и сострадание к обидимым, всем начальствующим попечение о подчиненных, милость и правосудие, подчиненным же покорность и послушание ко властям и усердное исполнение своих обязанностей; да, тако в мире и благочестии поживше в сем веке, сподобимся причастия вечных благ в Царствии Господа и Спаса нашего Иисуса Христа, Ему же подобает честь и поклонение, со Безначальным Его Отцем и Пресвятым Духом, во веки веков. Аминь.

МОЛИТВА, ЧИТАЕМАЯ В ОТЧАЯНИИ

СВЯТИТЕЛЮ ИОАННУ ЗЛАТОУСТОМУ, АРХИЕПИСКОПУ КОНСТАНТИНОПОЛЬСКОМУ

О, святителю великий Иоанне Златоусте! Многая и различная дарования от Господа приял еси и, яко раб благий и верный, вся данныя тебе таланты добре умножил еси: сего ради воистинну все-ленский учитель был еси, яко всяк возраст и всяко звание от тебе поучается. Се бо отроком послушания образ явился еси, юным - целомудрия светило, мужем - трудолюбия наставник, старым - незлобия учитель, иноком - воздержания правило, молящимся - вожь от Бога вдохновенный, мудрости ищущим - ума просветитель, витиям доброглаголивый - слова живаго источник неисчерпаемый, благотворящим - милосердия звезда, начальствующим - правления мудраго образ, правды ревнителем - дерзновения вдохновитель, правды ради гонимым - терпения наставник: всем вся был еси, да всяко некия спасеши. Над всеми же сими стяжая еси любовь, яже есть союз совершенства, и тою, яко силою Божественною, вся дарования во едином лице твоём во едино совокупил еси, и туюжде любовь, разделенная примиряющую, в толковании словес апостольских всем верным проповедал еси. Мы же грешнии, по единому кийждо свое дарование имуще, единения духа в союзе мира не имамы, бываем тщеславни, друг друга раздражающе, друг другу завидяще; сего ради дарования наша разделенная не в мир и спасение, но во вражду и осуждение нам приложишася. Темже к тебе, святителю Божий,

припадаем, раздором обуреваемы, и в сокрушении сердца просим: молитвами твоими отжени от сердец наших всяку гордость и зависть, нас разделяющую, да во многих удех едино тело церковное невозбранно пребудем, да по словеси твоему молитвенному возлюбим друг друга и единомыслием исповемы Отца и Сына и Святаго Духа, Троицу Единосущную и Нераздельную, ныне и присно и во веки веков. Аминь.

Тропарь

Уст твоих, якоже светлость огня возсиявши благодать, вселенную просвети: не сребролюбия мирови сокровища сниска, высоту нам смиренномудрия показа. Но твоими словесы наказуя, отче Иоанне Златоусте, моли Слова Христа Бога спастися душам нашим.

Кондак

От Небес приял еси Божественную благодать и твоими устами вся учиши покланяться в Троице Единому Богу, Иоанне Златоусте, всеблаженне, преподобне, достойно хвалим тя: еси бо наставник, яко Божественная являя.



Свт. Иоанн Златоуст

МОЛИТВЫ ОБ ИЗБАВЛЕНИИ ОТ ИСКУШЕНИЙ

ПРЕПОДОБНОГО СИМЕОНА НОВОГО БОГОСЛОВА

Не попусти на меня, Владыко, Господи, искушение, или скорби, или болезнь свыше силы моей, но избавь от них или даруй мне крепость перенести их с благодарностью.

МОЛИТВА О ПОМОЩИ В ЖИТЕЙСКИХ ДЕЛАХ, О БЛАГОСЛОВЕНИИ БОЖИЕМ НАД ДОМОМ

СВЯЩЕННОМУЧЕНИКУ ВЛАСИЮ, ЕПИСКОПУ СЕВАСТИЙСКОМУ

Преблаженне и приснопамятне священномучениче Власие, дивный страдальче и предстателю наш теплый, по отшествии твоём в жизнь вечную призывающим твоё святое имя пособствовать и во всяких прошениях услышанным быть обещавай! Се, ныне к тебе угоднику Божию, яко ко истинному ходатаю спасения, притекаем и смиренно молимся: предстани нам в помощь, узами грехов связанным, подвигнися на всемошныя твоя к Богу молитвы и номолися о нас грешных: ты бо, недостойнии, призывать на заступление дерзаем, и желаем от всех грехов наших тобою освобождение получить. О, святче Божий Власие! В сокрушении и смирении сердца нашего пред тобою припадаем и молимся: осияй нас, омраченных наветы вражьиими, светом благодати свыше, да в нём ходяще, не преткнем о камень ног наших. Ты, яко сосуд в честь избранный и исполненный благодати Божия, молим: сподоби нас грешных от исполнения твоего желаемое прияти, и исцели наша душевныя и телесныя язвы, грехом же нашим прощение и душевному и телесному нашему здравью спасение полезное у Господа испроси, да всегда прославляем Отца и Сына и Святаго Духа, и твоё милостивное предстательство о душах и телесех наших, ныне и присно и во веки веков. Аминь.

Кондак

Священия помазанием и мучения кровию украсился еси, славне Власие, сияеши всюду, в Вышних ликуя и нас назирая, в храм твой пришедшия и в нём тебе непрестанно зовущия: всех нас соблюди.



Икона
«Господь Вседержитель»

МОЛИТВЫ, ЧИТАЕМЫЕ ПРИ ВХОЖДЕНИИ В НОВЫЙ ДОМ И НА ОСНОВАНИИ ДОМА

СВЯТОМУ АРХИСТРАТИГУ БОЖИЕМУ МИХАИЛУ

Молитва

Святый и великий Архангеле Божий Михаиле, неисповедимый и пресущественный Троицы первый во Ангелех предстоятелю, рода же человеческого приставниче и хранителю, сокрушивый с воинствы своими главу прегордаго денницы на небеси и посрамляяй выну злобу и коварства его на земли! К тебе прибегаем с верою и тебе молимся с любовию, буди щит несокрушим и забрало твердо Святей Церкви и православному отечеству нашему, ограждая их молниеносным мечем твоим от всех враг видимых и невидимых. Буди Ангел Хранитель, премудр советодатель и споспешник всем православным христианом, износя им от Престола Царя царствующих просвещение и силу, радость, мир и утешение. Буди вождь и соратай непобедим Христолюбивому воинству нашему, венчая его славою и победами над супостаты, да познают вси противляющиеся нам, яко с нами Бог и святии Ангели Его. Не остави же, о Архангеле Божий, помощию и заступлением твоим и нас, прославляющих днесь святое имя твое; се бо аще и многогрешни есмы, обаче не хотим в беззакониях наших погибнути, но еже обратитися ко Господу и оживленным быти от Него на дела благая. Озари ум наш светом Божиим, иже выну сияет на молниевидном челе твоем, да возможем разумети, что есть воля Божия о нас благая и совершенная, и ведети вся, яже подобает нам творити и яже презирати и оставлять. Укрепи благодатию Господнею слабую волю и немощное произволение наше, да, утвердившись в законе Господнем, престанем прочее влятися земными помыслы и похотеньми плоти, увлекающемся, по подобию несмыслен-



ных детей, скорогибнущими красотоми мира сего, яко ради тленного и земнаго безумие забывают вечная и небесная.

Над всеми же сими испроси нам свыше дух истиннаго покаяния, нелицемерную печаль по Бозе и сокрушение о гресех наших, да остающее нам число дней временнаго живота нашего иждивем не во угождении чувств и работе отраслем нашим, но во изглаждении зол, содеянных нами, слезами веры и сокрушения сердечнаго, подвигами чистоты и святыми делами милосердия. Егда же приблизится час скончания нашего и освобождения от уз брэннаго сего телесе, не остави нас, Архангеле Божий, беззащитных противу духов злобы поднебесных, обыхших преграждати души человечесей восход в горняя, да, охраняеми тобою, безпреткновенно достигнем оных преславных селений райских, идеже несть печаль, ни воздыхание, но жизнь безконечная, и сподобьшеся узрети Пресветлое лице Всеблагаго Господа и Владыки нашего, падше со слезами у ногу Его, в радости и умилении воскликнем: слава Тебе, дражайший Икупителю наш, Иже за премногую любовь Твою к нам недостойным благоволил еси послати Ангелы Твоя в служение спасению нашему. Аминь.

Молитва вторая

О, святыи Михаиле Архангеле, светлообразный и грозный Небеснаго Царя воеводо! Прежде страшнаго суда ослаби ми покаяться от грехов моих, от сети ловящих избави душу мою и приведи ю к сотворшему ю Богу, сядящему на Херувимех, и молися о ней прилежно, да твоим ходатайством послет ю в место покойное.

О, грозный воеводо небесных сил, предстателю всех у Престола Владыки Христа, хранителю твердый всем человеком, и мудрый оружниче, крепкий воеводо Небеснаго Царя! Помилуй мя грешнаго, требующаго твоего заступления, сохрани мя от всех видимых и невидимых враг, паче же подкрепи от ужаса смертнаго и от смущения диавольскаго, и сподоби мя непостыдно предстати Создателю нашему в час страшнаго и праведнаго суда Его.

О, всесвятый великий Михаиле Архистратиже! Не презри мене грешнаго, молящагося тебе о помощи и заступлении твоём в веце сем и в будущем, но сподоби мя тамо купно с тобою славити Отца и Сына и Святаго Духа, во веки веков. Аминь.

Молитва третья

Святыи Архангеле Божий Михаиле, отжени от нас молниеносным мечем твоим духа лукаваго, искушающаго нас. О великий Архистратиже Божий

Михаиле - победитель демонов! Победи и сокруши всех врагов наших, видимых и невидимых, и умоли Господа Вседержителя, да спасет и сохранит нас Господь от всех скорбей и от всякия болезни, от смертоносныя язвы и от напрасныя смерти, ныне и присно и во веки веков. Аминь.

МОЛИТВА ТРЕМ СЯТИТЕЛЯМ: ВАСИЛИЮ ВЕЛИКОМУ, ГРИГОРИЮ БОГОСЛОВУ И ИОАННУ ЗЛАТОУСТОМУ

О, пресветлии светильницы Церкви Христовы, Василие, Григорие и Иоанне, светом православных догматов вся концы земли озарившии и мечем слова Божия хульных смущения и шатания ересей угасившии! Припадающе к вашему милосердию, с верою и любовию из глубины души вопием: предстояще Престолу Пресвятыя, Единосущныя, Животворящия и Нераздельныя Троицы, за Нюже словом, писанием и житием добре подвижастесь и души своя полагасте, всегда молитесь Ей, да укрепит и ны в Православии и единомыслии, и непоколебимем даже до смерти исповедании веры Христовы, и во вседушевнем послушании Его Церкви Сятей; да препояшет ны с высоты силою на вся невидимыя и видимыя враги наша; да соблюдет Церковь Свою незыблему от неверия, суеверия, ереси и раскола; да дарует народу нашему долгоденствие и во всем благое поспешение; пастырем нашим да подаст духовное трезвение и ревность о спасении пасомых, властем суд и правду, воином терпение, мужество и одоление на враги, сирым и вдовицам заступление, болящым исцеление, юным благое в вере возрастание, старцам утешение, обидимым заступление и всем вся, ко временней и вечней жизни потребная, яко да в мире и покаянии, желанием спасения горяще, Господеви работающе, добрым подвигом подвижающесе, течение наше скончаем и сподобимся в Небеснем Царствии купно с вами всегда пети и славити Пресвятое и Великолепое имя Отца и Сына и Святаго Духа во веки веков. Аминь.



Свт. Василий Великий,
Григорий Богослов
и Иоанн Златоуст

МОЛИТВЫ О СЧАСТИИ В БРАКЕ

КО ПРЕСВЯТОЙ ВЛАДЫЧИЦЕ НАШЕЙ БОГОРОДИЦЕ И ПРИСНОДЕВЕ МАРИИ

Тропарь

Рождество Твое, Богородице Дево, радость возвести всей вселенной: из Тебе бо возсия Солнце правды Христос Бог наш, и разрушив клятву, даде благословение, и упразднил смерть, дарова нам живот вечный.

Кондак

Иоаким и Анна поношения безчадства, и Адам и Ева от тли смертных свободистася, Пречистая, во святем Рождестве Твоем. То празднуют и людие Твои, вины прегрешений избавльшеся, внегда звати Ти: неплоды раждает Богородицу и Питательницу жизни нашаея.

МОЛИТВА

АРХАНГЕЛУ ВАРАХИИЛУ - ПОКРОВИТЕЛЮ БЛАГОЧЕСТИВЫХ СЕМЕЙСТВ, НЕБЕСНЫМ ЧИНАМ БЕСПЛОТНЫМ

О великий архистратиге Божий архангеле Варahiиле! Предстоя Престолу Божию и оттоли принося благословения Божия в дома верных раб Божиих, испроси у Господа Бога милосердия и благословения на дома наша, да благословит Господь Бог нас и умножит изобилие плодов земных, и подаст нам здравие и спасение, во всем благое поспешение, и на врагов победу и одоление, и сохранит нас на многая лета, всегда. Ныне и присно и во веки веков. Аминь.

МОЛИТВА АПОСТОЛУ СИМОНУ ЗИЛОТУ

Святыи славный и всехвальный апостоле Христов Симоне, сподобивыйся прияти в дом твой в Кане Галилейстей Господа нашего Иисуса Христа и Его Пречистую Матерь, Владычицу нашу Богородицу, и очевидцем быти преславнаго чудесе Христова, на браце твоём явленного,

претворения воды в вино! Молим тя с верою и любовию: умоли Христа Господа претворить души наша из грехолюбивых в боголюбивыя; сохрани и соблюди нас молитвами твоими от искушений диавольских и падений греховных и испроси нам свыше помощь во время уныния и беспомощия нашего, да не преткнемся о камень соблазна, но неуклонно шествуем спасительным путем заповедей Христовых, дондеже достигнем обителей райских, идеже ты ныне водворяешься и веселишися. Ей, апостоле Спасов! Не посрами нас, крепче на тя уповающих, но буди нам помощник и покровитель во всем житии нашем и помози нам благочестно и богоугодно житие сие временное скончати, благую и мирную христианскую кончину получитьи и добраго ответа сподобитися на Страшнем Суде Христове, да избежавше мытарств воздушных и власти лютаго миродержца, унаследуем Царство Небесное и прославим великопое Имя Отца и Сына и Святаго Духа во веки веков. Аминь.

МОЛИТВА ОБ УМИРЕНИИ ВРАЖДЫ МЕЖДУ БЛИЗКИМИ



СВЯТЫМ БЛАГОВЕРНЫМ КНЯЗЬЯМ БОРИСУ И ГЛЕБУ, В КРЕЩЕНИИ РОМАНУ И ДАВИДУ

О, двоице священная, братия прекрасная, доблии страстотерпцы Борисе и Глебе, от юности Христу верою, чистотою и любовию послуживший, и кровью своими, яко багряницею, украсившиися, и ныне со Христом царствующий! Не забудьте и нас, сущих на земли, но яко теплии заступницы, вашим сильным ходатайством пред Христом Богом сохраните юных во святей вере и чистоте неврежденными от всякаго прилога неверия и нечистоты, оградите всех нас от всякия скорби, озлоблений и напрасныя смерти, укротите всякую вражду и злобу, действием диавола воздвигаемую от ближних и чуждых. Молим вас, христолюбии страстотерпцы, испросите у Великодаровитаго Владыки всем нам оставление прегрешений наших, единомыслие и здравие, избавление от нашествия иноплемennых, междоусобных брани, язвы и глада. Снабдевайте своим заступлением (град сей и) всех, чтущих святую память вашу, во веки веков. Аминь.

Правдивая страстотерпца, и истинная Евангелия Христова послушателя, целомудренный Романе с незлобивым Давидом, не сопротив стас-та врагу сушу брату, убивающему телеса ваша, душам же коснутся не могушу. Да плачется убо злый властолюбец, вы же радующеся с лики ангельскими, предстояще Святей Троице, молитесь о державе сродни-ков ваших, богоугодней быти, и сыновом Российским спастися.

Кондак

Возсия днесь преславная память ваша, благороднии страстотерпцы Христовы, Романе и Давиде, созывающи нас к похвалению Христа Бога нашего. Тем, притекающе к раце мощей ваших, исцеления дар при-емлем молитвами вашими, святии: вы бо Божественнии врачеве есте.

МОЛИТВА О ЗАСТУПНИЧЕСТВЕ ВДОВ И СИРОТ, О ПОМОЩИ В НУЖДЕ

СВЯТИТЕЛЮ ДИМИТРИЮ РОСТОВСКОМУ



Свт. Димитрий Ростовский

О, всеблаженне святителю Димитрие, великий угодниче Христов, Златоусте Рос-сийский, услыши нас грешных, молящихся тебе, и принеси молитву нашу к милостиво-му и Человеколюбцу Богу, Ему же ты ныне в радости святых и с лики ангел предстои-ши. Умоли Его благоутробие, да не осудит нас по беззакониям нашим, но да сотворит с нами по милости Своей; испроси нам у Христа Бога нашего мирное и безмятежное житие, здравие душевное и телесное, земли благоплодие и во всем всякое изобилие и благоденствие, и да не во зло обратим блага, даруемая нам от щедрого Бога, но во славу Его и в прославление твоего заступления.

Даруй нам богоугодно прейти доприще временныя жизни: избави нас от воздушных мытарств и настави на путь, ведущий в селения праведных, идеже празднующих глас непрестанный, зрящий Божия Лица неизреченную доброту; Церковь Святую от ересей и расколов сохрани, верных укрепи, заблуждающих обрати и всем даруй вся, яже ко спасению и славе Божией подобающая, Отечество твое сохрани от врагов ненаветно. И подаждь нам всем твое архипастырское святое благословение, да оным осеняеми, избавимся от козней лукаваго, избегнем всякия беды и напасти. Услыши моление наше, отче Димитрие, и моли непрестанно о нас Всесильнаго Бога, славимаго и поклоняемаго в Трех Ипостасех, Ему же подобает всякая слава, честь и держава во веки веков. Аминь.

МОЛИТВА О БЛАГОПОЛУЧИИ ВТОРОГО БРАКА ПРЕПОДОБНОМУ ЄФРЕМУ СИРИНУ

Тропарь

В тебе, мати, известно спасесе еже по образу: приемши бо крест, последовала Христу, и деючи учила еси презирати убо плоть, преходит бо: прилежати же о души, вещи безсмертней: тем же и со ангелы срадуется, преподобная Афанасия, дух твой.

Кондак

За любовь Господню, преподобная, покоя желание возненавидела еси, пощением дух твой просветивши: крепко бо звери победила еси: но молитвами твоими противных шатание разори.

МОЛИТВА ПЕРЕД УЧЕНИЕМ

Преблагий Господи, низпосли нам благодать Духа Твоего Святого, дарствующаго и укрепляющаго душевныя наши силы, дабы, внимающе преподаваемому нам учению, возросли мы Тебе, нашему Создателю, во славу, родителем же нашим на утешение, Церкви и отечеству на пользу.

МОЛИТВА ПОСЛЕ УЧЕНИЯ

Благодарим Тебе, Создателю, яко сподобил еси нас благодати Твоея, во еже внимати учению. Благослови наших начальников, родителей и учителей, ведущих нас к познанию блага, и подаждь нам силу и крепость к продолжению учения сего.

Молитва об отроче, плохо учащемся

Господи Иисусе Христе Боже наш, вселивыйся в сердца двенадесятих апостолов нелицемерно, благодатию Всесвятаго Духа, сошедшаго в виде огненных язык, и сих устне отверзый, и начаша глаголати иными языки: Сам Господи Иисусе Христе Боже наш, ниспосли Того Духа Твоего Святаго на отроча сие (имя): и насади во ушеса сердца его Священныя Писания, яже рука Твоя пречистая на скрижалях начерта законоположнику Моисею, ныне и присно и во веки веков. Аминь.

МОЛИТВА О ВОСПИТАНИИ ДЕТЕЙ В ХРИСТИАНСКОМ БЛАГОЧЕСТИИ



М҃ЧЕНИЦЕ СОФИИ

О, многострадальная и премудрая великомученице Христова Софие! Ты душею на небеси у Престола Господня предстоиши, на земли же, данною тебе благодатию, различная совершаеши исцеления: призри убо милостивно на предстоящия люди и молящияся пред мощами твоими, просящия твоея помощи: прости ко Господу святяя молитвы твоя о нас, и испроси нам оставление согрешений наших, недужным исцеление, скорбящим и бедствующим скорую помощь: умоли Господа, да подаст всем нам христианскую кончину и добрый ответ на Страшнем Суде Своем, да сподобимся и мы купно с тобою славити Отца и Сына и Святаго Духа во веки веков. Аминь.

МОЛИТВА О БЛАГОСОСТОЯНИИ ДЕТЕЙ В ОБЩЕСТВЕ



СВЯТИТЕЛЮ МИТРОФАНУ, ВОРОНЕЖСКОМУ Ч҃ДОТВОРЦУ

Святителю отче Митрофане, нетлением честных мощей твоих и многими благодеяньми, чудесно содеянными и содеваемыми тобою с верою к тебе притекающим, уверившемуся, яко имаши велию благодать у Господа

Бога нашего, всемиренно припадаем вси и молимся тебе: моли о нас Христа Бога нашего, да ниспослет всем, чтущим святую память твою и усердно к тебе прибегающим, богатыя милости Своя: да утвердит во Святей Своей Православной Церкви живой дух правыя веры и благочестия, дух ведения и любви, дух мира и радости о Духе Святе, да вси члены ея, чисты от мирских искушений и плотских похотей и злаго действия злых духов, духом и истиною поклоняются Ему и усердно пекутся о соблюдении заповедей Его ко спасению душ своих. Пастырем ея да даст святую ревность попечения о спасении людей, им вверенных, да неверующих просветят, неведущих наставят, сомневающих вразумят и удостоверят, отпадших от Православныя Церкви обратят в святые недра ея, верующих соблюдут в вере, грешных подвигнут к покаянию, кающихся утешат и укрепят в исправлении жизни, раскаявшихся и исправившихся утвердят в святости жизни: и тако всех введут указанным от Него путем в уготованное вечное Царство святых Его. Ей, святителю Божий, да устроиши молитвами твоими вся благая душам и телесем нашим: да и мы прославим в душах и телесех наших Господа и Бога нашего, Иисуса Христа, Ему же со Отцем и Святым Духом слава и держава во веки веков. Аминь.



Свт. Митрофан Воронежский

МОЛИТВА О ЗАКЛЮЧЕННЫХ

КО ГОСПОДУ ИИСУСУ ХРИСТУ

Господи Иисусе Христе, Боже наш, святого апостола Твоего Петра от уз и темницы без всякаго вреда свободивый, прими, смиренно молимся, моление сие милостивно во оставление грехов раба Твоего (имя), в темницу всажennaго, и молитвами того, яко Человеколюбец, всеильною Твоею Десницею от всякаго злаго обстояния избави и на свободу изведи.